

**Tge èn antibiotics?
Per tge èn els utils?
Per tge betg?
Pertge sa sviluppan
resistenzas als antibiotics?
Pertge è la resistenza als
antibiotics in problem?**



Tge èn antibiotics?

Antibiotics èn medicaments che mazzan las bacterias u che frainan lur creschientascha. Els èn perquai in'arma medicinala impurtanta en il cumbat cunter malsognas bacterialas da l'uman e l'animal, per exemplu tar tüssientadas dal sang u malcostas. U sco mesira preventiva tar persunas cun in sistem d'immunitat flaivel.



Tge è la resistenza als antibiotics?

Las bacterias pon s'endisar vi dals antibiotics e vegnir resistentas cunter ils antibiotics, vul dir insensiblas. Uschia perdan ils antibiotics lur efficacitad sco medicament. Quest process d'adattaziun vegn promovi ed accelerà, sch'ils antibiotics vegnan duvrads memia savens u en moda faussa.

Resistents cunter ils antibiotics na vegnan pia betg l'uman u l'animal, mabain las bacterias. Quellas pon sa multiplitgar fitg spert e dar vinavant la resistenza ad otras bacterias.



Pertge èn las bacterias resistentas in problem?

Sch'ils antibiotics perdan lur efficacitad, ha quai consequenzas da gronda pertuda per l'uman e l'animal. Tractar infecziuns bacterialas cun scherms resistentas dura per exemplu pli ditg u èn tscherts cas perfin impusible. Las resistenzas pon damai chaschunar custs pli auts en la medischina umana e veterinara sco er en l'agricultura e manar a decurs da malsognas grevs u perfin a mortoris.

Era persunas u animals che n'han mai survegnì antibiotics en lur vita, pon esser pertutgads d'ina infecziun cun bacterias resistentas. En l'entir mund constatesch'ins in grond augment da talas resistenzas. Quai è in fenomen preoccupant.



Co sa sviluppa la resistenza als antibiotics?

Resistenzas pon sa sviluppar tras la midada dals gens bacterials u tras la recepciu da gens da resistenza d'autras bacterias. Mintga giada ch'ins dovrà antibiotics, survegنان las bacterias resistentas in avantatg da survivenza envers las bacterias betg resistentas. Ellas pon survivor e sa multiplitgar. Il consum augmentà d'antibiotics en la medischina umana e veterinara ha accelerà la derasaziun da resistenzas.



Cunter tge gidan ils antibiotics? Cunter tge betg?

Ils antibiotics èn medicaments prescrits dal medi che impedischan las bacterias da crescher u las mazzan. Ils antibiotics han in effect mo cunter las bacterias. Cunter virus, e bu lieus parasites, che pon cha schunar bleras differentas malsognas tar l'uman e l'animal, èn els inutils. Perquai èsi impurtant ch'ils antibiotics vegnian duvrads mo per infecziuns bacterialas.

«Duvrar endretg ils antibiotics – quai è impurtant per l'uman, l'animal e l'ambient.»



Duvrai ils antibiotics exact tenor la prescripziun dal medi.

Sch'ins prenda ils antibiotics en moda faussa, po quai chaschunar resistenzas. Cunter las bacterias resistentas n'hari ils antibiotics actuals nagin effect pli. As tegnai exact vi dal dosadi e vi da la durada dal tractament prescrits da la media/dal medi. Il dosadi individual prescrit. As garantescha che Voss antibiotics hajan l'effect optimal. N'interrumpai betg il tractament anticipadament, era sche Vus As sentis gia meglier suenter in pèr dis.



Betg partai ils antibiotics cun auters.

Na partai betg ils antibiotics prescrits a Vus cun autres personas. Il tractament è vegni prescrit per Vus e correspunda a Voss basegn personal.



Betg laschai ora ina dosa.

Sch'ins emblida ina giada da la prender, po l'infecziun durar pli ditg ed influenzar en moda negativa la guariziun. Sche Vus sentis effects secundars e vulais per quest motiv interrumpir il tractament, As drizzai a Vossa media/Voss medi ubain a Vossa apotecra/Voss apotecher.



Purtai enavos las stgatlas avertas.

Na dismettai mai antibiotics en il rument da chasa e gidai ad evitar ch'els contamineschian l'ambient (p.ex. l'aua persa). Na conservai nagins antibiotics per duvrar els per autras malsognas.



Co dovr jau endretg ils antibiotics?

Sche Vus avais dumondas u essas malsegir/a co prender ils antibiotics u sche Vus avais per exemplu emblidà da prender ils antibiotics, lura As drizzai a Vossa media/Voss medi ubain a Vossa apotecra/Voss apotecher. Pertege che betg tut las inflammaziuns bacterialas na ston vegnir tractadas cun antibiotics. Uschia vegnan per exemplu las forzas da resistenza naturalas dal corp a frida sezzas cun bleras inflammaziuns da la vaschia e da las ureglas – senza l'agid d'antibiotics.



Mesiras da pre-cauziun durant cuschinhar

Vivondas pon esser ina funtauna d'infecziun cun bacterias resistentas cunter antibiotics. La ristga d'infecziun po dentant vegnir sminuida cun medis simpels.

«Ils antibiotics: Dovra els bain, lura dovrí damain.»

Communablamain pudain nus far bler cunter la resistenza als antibiotics.

Sut <https://www.antibiotika-richtig-einsetzen.ch> chattais Vus anc dapli infurmaziuns impurtantas davart il tema. Dumandai er en Vossa pratica da medi da chasa u en la proxima apoteca.

Grazia fit!

«Ils antibiotics gidan cunter bacterias, dentant betg cunter virus.»



Da l'animal a l'uman e viceversa.

Ils animals ed ils umans pon infectar in l'auter cun bacterias resistentas. Era vivondas pon giugar ina rolla.



L'ambient è medemamain pertutgà.

Il problem da las resistenzas als antibiotics pertutga l'entir ambient medemamain sco la medischina umana, la medischina veterinara, l'agricultura e la segirezza alimentara. Las sfidas da la politica da sanadad colliadas cun las resistenzas crescentas pon mo vegnir affruntadas communablamain ed en moda interdisciplinara.



La respon- sabludad stuain nus surpigliar communablamain.

Ils possessurs d'animals ed ils veterinaris ston procurar communablamain ch'ils antibiotics per animals vegnian duvrads a moda responsabla. Sche tuts lavuran per la medema chaussa, gida quai nus e noss animals il meglier.



Tge stoss jau savair, sche jau viagel a l'exterior?

I dat pajais, nua ch'il problem da la resistenza als antibiotics è pli grond che en Svizra. Persunas che turnan da l'exterior en la patria, pon importar bacterias resistentas cunter antibiotics – oravant tut, sch'ellas èn vegnidas ospitalisadas a l'exterior. Persunas che ston consultar in ospital u ina clinica en Svizra entaifer 12 mais suenter lur return, duessan infurmear il persunal medicinal davart lur ospitalisaziun a l'exterior. La cumprova a temp da bacterias resistentas gida ad evitar lur derasaziun ed a simplifitgar il tractament medicinal.



Dovra els bain, lura dovri damain, era tar ils animals.

Antibiotics duessan vegnir duvrads tant tar l'uman sco era tar ils animals sulet-tamain, sch'els èn inevitabels. Uschè bler sco necessari, uschè pauc sco pussaivel.

«Duvrain ils antibiotics a moda conscientiusa, per ch'els restian efficients per l'uman e l'animal.»

Resistenzas als antibiotics: endretg u fauss?

Las respotas
correctas davart
il dretg diever
d'antibiotics.

TGI CHE PRENDA ANTIBIOTICS VEGN RESIDENT. Endretg u fauss?

FAUSS: Resistentas na vegnan betg las persunas, mabain las bacterias. Las bacterias resistentas pon sa multipligat e vegnir transmessas d'ina persuna a l'autra u da l'uman a l'animal e viceversa. Ellas pon engrevgiar, prolongar u en il mender cas render impussibel da tractar in'infecziun.

ILS ANTIBIOTICS MAZZAN ILS VIRUS. Endretg u fauss?

FAUSS: Antibiotics èn medicaments prescrits dal medi che impedeschan la creschientscha da bacterias u las mazzan. Ils antibiotics èn inefficazis, sche virus chaschunan l'infecziun, sco per exemplu tar la grippa, dafrails, ils blers malessers dal tract digestiv, malsognas chaschunadas da bulieus u cunter infecziuns parasiticas sco per exemplu la malaria.

ANTIBIOTICS EN L'AUA PERSA DONNEGIAN L'AMBIENT. Endretg u fauss?

ENDRETG: Antibiotics èn substanzas biologicamain efficazias. Lur effect giavischà tar ina malsogna han ils antibiotics en las auas dentant era sin creatiras natiralas. Oravant tut en in coctail cun restanzas d'autras chemicalias or da l'aua persa communalia pon els far donn als peschs ed ad outras creatiras da l'aua.

ILS ANTIBIOTICS GIDAN CUNTER LA GRIPPA U LA STRUCCA. Endretg u fauss?

FAUSS: Ils antibiotics èn inefficazis cunter virus. La strucca e las grippas vegnan chaschunadas da virus.

ILS ANTIBIOTICS CONTAMINE-SCHAN ERA LAS AUAS. Endretg u fauss?

Endretg: Ils antibiotics na vegnan betg decumponids en noss corp. Sco part da noss process metabolic va ina part da quels via la tualetta en l'aua persa. Era nossas sereneras n'allontaneschan praticamain betg questas substanzas. Uschia van ellas directamain en las auas.

EN SVIZRA ÈSI SCUMANDÀ DA DUVRAR ANTI- BIOTICS PER PROMOVER LA CRESCHIENTSCHA DALS ANIMALS. Endretg u fauss?

ENDRETG: L'Ordinaziun davart ils medicaments veterinars scumonda dapi l'onn 1999 da duvrar en Svizra antibiotics per promover la creschientscha dals animals. Quest scumond vala dapi l'onn 2006 er en l'Uniu europeica.

SCH'INS PRENDA ANTIBIOTICS NUNNECESSARIA- MAIN, ÈN ELS INEFFICAZIS. Endretg u fauss?

ENDRETG: In antibiotic è in'arma che daventa pli e pli mutta, pli savens ch'ins la dovrà. Mintga giada ch'ins dovrà antibiotics pon sa multipligat las bacterias resistentas, pertge ch'ellas profiteschan che las otras bacterias moran e las laschan il plaz.



Colliaziuns

www.richtig-ist-wichtig.ch
www.quand-il-faut-comme-il-faut.ch
www.quando-serve-quanto-serve.ch
www.antibiotika-richtig-einsetzen.ch
www.star.admin.ch

Contacts generals

Sche Vus avais ina dumonda generala davart ils antibiotics u la resistenza als antibiotics, As drizzai als uffizis menziunads sutvart. Considerai dentant il fatg che quests uffizis na dattan natinas infurmaziuns medicinalas persunalas. Sche Vus avais dumondas persunalas davart Vossa sanudad resp. malsogna u davart il dretg diever d'antibiotics, As drizzai per plaschair a Vossa media/Voss medi, a Vossa veterinaria/Voss veterinari ubain a Vossa apotecra/Voss apotecher.

- Per dumondas davart ils antibiotics e la resistenza als antibiotics che pertutgan l'uman resp. la medischina umana: infoline resistenzas als antibiotics, 058 467 64 31 ubain Uffizi federal da sanudad publica (UFSP) info@bag.admin.ch
- Per dumondas davart ils antibiotics e la resistenza als antibiotics che pertutgan l'agricultura resp. la tegnida d'animals: Uffizi federal d'agricultura (UFAG), info@blw.admin.ch
- Per dumondas davart ils antibiotics e la resistenza als antibiotics che pertutgan ils animals resp. ils veterinaris: Uffizi federal da segirezza alimentara e fatgs veterinars (USAV), 058 463 30 33 ubain info@blv.admin.ch
- Per dumondas davart ils antibiotics e la resistenza als antibiotics che pertutgan l'ambient: Uffizi federal d'ambient (UFAM), 058 462 93 11 ubain info@bafu.admin.ch